

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

**po zahtjevu privrednog subjekta “Vienna Insurance Group AG“ Beč, Austrija, o obavezi
podnošenja prijave namjere koncentracije**

**Sarajevo
septembar, 2011. godine**



Broj: 01-26-7-16-1-I/11
Sarajevo, 29.09.2011. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu privrednog subjekta "Vienna Insurance Group AG" Beč, Shottenring 30, Beč, Austrija, zastupan po Adeli Rizvić, advokatu iz Sarajeva, Alipašina 51, 71000 Sarajevo, zaprimljenog od strane Konkurencijskog vijeća dana 14.09.2011. godine, pod brojem: 01-26-7-16-1/I11, Konkurencijsko vijeće, na 17. (sedamnaestoj) sjednici održanoj dana 29.09.2011. godine, je donijelo

MIŠLJENJE

Privredni subjekt "Vienna Insurance Group AG" Beč, Shottenring 30, Beč, Austrija, zastupan po Adeli Rizvić, advokatu iz Sarajeva, Alipašina 51, 71000 Sarajevo (u daljem tekstu: Podnosilac zahtjeva ili VIG) podnio je Konkurencijskom vijeću Zahtjev za izdavanje mišljenja (u daljem tekstu: Zahtjev), zaprimljen dana 14.09.2011. godine, pod brojem: 01-26-7-16-1/I11.

Podnosilac zahtjeva traži mišljenje od Konkurencijskog vijeća vezano za postojanje obaveze podnošenja prijave koncentracije koja će nastati kupovinom većinskog paketa akcija (između (..) ** % i (..) ** % akcija) osiguravajućeg društva „Jahorina osiguranje a.d.“, Svetosavska 24, Pale, Republika Srpska, Bosna i Hercegovina od strane Podnosioca zahtjeva, u smislu Zakona o konkurenciji („Službeni glasnik BiH“, br. 48/05, 76/07 i 80/09) (u daljem tekstu: Zakon).

- Privredni subjekt "Vienna Insurance Group AG" Beč je dioničarsko društvo, registrovano u Registru privrednih društava Privrednog suda u Beču dana 09.12.1991. godine pod registarskim brojem FN 75687 f čija registrovana djelatnost je osiguranje. Ukupni godišnji prihod koji je isti ostvario na svjetskom tržištu u 2010. godini iznosi (..) ** KM, dok na tržištu Bosne i Hercegovine Podnosilac Zahtjeva je posredno ostvario godišnji prihod u iznosu od (..) ** KM na osnovu ugovora o reosiguranju zaključenog sa „Jahorina osiguranje a.d.“ Pale preko svog zavisnog društva „WIENER-RE“ a.d. Republika Srbija.

- Privredni subjekt „Jahorina osiguranje a.d.“, Svetosavska 24, Pale, Republika Srpska, Bosna i Hercegovina je ostvario godišnji prihod na tržištu Bosne i Hercegovine u 2010. godini u iznosu od (..) ** KM. Ukupni tržišni udio koje privredni subjekt „Jahorina osiguranje a.d.“, Svetosavska 24, Pale ostvaruje na relevantnom tržištu osiguranja u Bosni i Hercegovini prema navodima Podnosioca zahtjeva iznosi (..) ** %.

- Podnosilac Zahtjeva navodi da je način izračunavanja prihoda izvršen u skladu sa članom 15. Zakona o konkurenciji u u svrhu kontrole koncentracije u osiguravajućim društvima, te da Podnosilac Zahtjeva samostalno ispunjava prvi uslov predviđen članom 14. stav (1) Zakona o konkurenciji.

- Privredni subjekt "Vienna Insurance Group AG" Beč planira ulazak na tržište osiguranja Bosne i Hercegovine putem kupovine većinskog paketa akcija osiguravajućeg društva „Jahorina osiguranje a.d.“, Svetosavska 24, Pale, Republika Srpska, Bosna i Hercegovina čime će steći neposrednu kontrolu nad „Jahorina osiguranjem a.d.“ Pale i posrednu kontrolu nad privrednim subjektima koja su u većinskom vlasništvu „Jahorina osiguranja a.d.“ Pale ((..) ** % udjela u „Jahorina auto d.o.o.“ Brčko i „Jahorina leasing d.o.o.“ Bijeljina) kao i (..) ** % akcija u društvu za upravljanje investicionim fondovima Jahorina Konseko Progres a.d., Pale koje neće rezultovati sticanjem kontrole u navedenom privrednom subjektu od strane Podnosioca zahtjeva, s obzirom da „Jahorina osiguranje a.d.“ Pale ne posjeduje kontrolni paket akcija u tom privrednom subjektu.

¹ (..) ** podaci predstavljaju poslovnu tajnu

-Ukupan prihod na tržištu Bosne i Hercegovine u 2010. godini privrednih subjekta u vlasništvu „Jahorina osiguranje a.d.“ Pale iznosio je (..)** KM, i to prihod „Jahorina auto d.o.o.“ Brčko (..)** KM i „Jahorina leasing d.o.o.“ Bijeljina (..)** KM.

Članom 14. stav (1) Zakona utvrđeno je da su privredni subjekti namjeravanu koncentraciju, iz člana 12. stav (1) Zakona, obavezni prijaviti kada su ispunjeni slijedeći uslovi:

a) da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji; i

b) da ukupan godišnji prihod svakog od najmanje dva učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički tržišni udio na relevantnom tržištu veći od 40%.

Na osnovu dostavljenih podataka Konkurencijsko vijeće smatra da navedeni privredni subjekti ne ispunjavaju uslov ostvarenog godišnjeg prihoda na tržištu Bosne i Hercegovine prodajom roba i /ili usluga u 2010. godini, kao ni uslov tržišnog udjela na relevantnom tržištu, u smislu člana 14. stav 1) tačka b) Zakona o konkurenciji, te ne postoji obaveza prijave koncentracije.

Ovo mišljenje dato je isključivo na osnovu podataka navedenih u Zahtjevu privrednog subjekta “Vienna Insurance Group AG“ Beč, te ukoliko isti odstupaju od stvarnog činjeničnog stanja, ovo mišljenje se ne može primijeniti.

Predsjednik

dr. Stjepo Pranjić